

雷波廳志卷三十一

廠務志

周官九府錢法所宗貨財充溢商賈流通後世開場
冶金冶鐵粥粥窮黎爭取金穴深山大澤尤號多材
禁網弗密利源自開大道生財取諸天地勿輕棄捐
自然之利志廠務第三十一鹽政附焉

分水嶺銅廠在城東六十里乾隆三十八年商民王
西振等呈報開採經前廳主王興謨詳准五十一年
歸入馬邊廳龍細子廠卽照龍細廠章程每銅百觔

雷波廳志

卷三十一

廠務

一

抽課銅二十觔耗銅四觔八兩餘銅一半分商一半
官買廠內議設書記一名月給工食銀二兩巡役四
名每名月給工食銀一兩五錢課長一名月給工食
銀一兩均於耗銅內變價支給每年課耗及採買各
銅解省約萬有數千觔年終卽由馬邊廳附入龍細
廠造冊詳報至嘉慶時攻采年久獲礦細微兼被夷
匪焚掠廳主陸成本稟請詳咨停采未蒙允准道光
五六年後歷任廳主節次稟報龍頭山分水嶺銅鉛
二廠洞老山空無人采辦所有歷年解省銅鉛均係

地方官采買補解應請咨

部停采奉批另覓子廠招商承辦後因夷匪日肆難以招商各廠概行歇業乃於咸豐二年附馬邊龍細廠題請封閉

鳳凰溝銅廠在中山坪地內道光十一年廠民劉正順等稟請開采後因夷匪滋事歇業

古帥溪銅廠在雙河口地內道光二十二年馬邊廳生員馮國炳稟請開采後以煎煉無成停采

大寶鼎銅廠在城東三十里道光二十四年廠民冉

雷波廳志

卷三十一

廠務

二

凌雲等承辦尙未升課以夷匪滋事歇業

銅廠溝在東林鄉地內道光二十四年廠民李森泰程萬峯等先後承辦已歷數年後因產礦不旺停采黃茅岡銅廠在城西百餘里道光二十九年商民張致和等赴布政司稟請開採後以該處逼近夷巢張致和等資本缺少恐其挪欠夷債致生邊釁廳主呂瑞玉出示禁止

建昌壩銅廠在中山坪地內同治三年廠民王義泰等稟請采辦業已煎煉銅筋六年夷匪滋事遂廢

牛牛壩銅廠在夷地光緒四年客民曾世昌等稟請
開采以夷地恐滋釁端遂止

烏拋廠在烏拋支夷住牧地昔年產銅鑛最旺因其
地介西昌越嶲雷波三屬之間迫於諸夷遂爾歇業
近廠數十里有名挖苦爾孔者乃黑夷阿六馬家地
產自然銅在土中挖出色紅赤不待煎煉寶光外騰
用以鑄器最爲精美因其塊然成質俗名爲生板銅
光緒初年商民趙海玉張得勝等曾至其地以貨物
與諸夷販買據云此銅夾紅沙石而生石性鬆浮隨

雷波廳志

卷三十一

廠務

三

地皆可挖取誠爲天地自然之寶非他處銅礦可及
惜陷在深巢不敢輕至近已無人往販諸夷自行挖
取時攜出內地與漢民互市

龍頭山鉛廠在廳西二百里乾隆六十年開采歸雷
波廳管理廠內造公廨一所設書記二名每名月給
工食銀二兩課長二名每名月給工食銀一兩巡役
六名每名月給工食銀一兩五錢所出鉛觔每百觔
抽正課十觔外抽耗鉛四觔八兩餘鉛一半分商一
半官買其運道由廠至小霧基上載計程二百六十

里自小霧基至敘州府城計水程六百八十里自敘州府至嘉定府計水程四百五十里自嘉定府至省計水程六百四十里每年解鉛多寡不等嘉道中屢次被夷焚燬時停時采咸豐以後礮洞漸空夷匪更大亂商民逃徙土地荒蕪經歷任廳主稟明停采穀米鄉鉛廠在黃螂二十里嘉慶十六年廠民楊劉發稟報開挖後以煎煉無成停采高家山鉛廠在大崖洞地嘉慶五年廠民施運堂呈報開采後因產礦微末停采

雷波廳志

卷三十一

廠務

四

沙灣塘鉛廠在安站坪地道光中開采後因夷患停采同治十二年糧民劉萬盛等復采仍無成而止

梅子岡鉛廠隔龍頭山十里道光二十三年廠民劉長泰采辦作爲龍頭山子廠後夷匪擾亂歇業

大灣子鉛廠在犍子村地道光八年廠民文廷彩開采至今停閉

大寶鼎鉛廠在東林鄉地道光十年廠民徐永興采辦至今停閉

二坪子鉛廠在馬頸子地道光二十二年廠民穀榮

等采辦以夷亂歇業

東林鄉鐵廠嘉慶初年采成納課此後陸續開采如銅廠溝迴龍溝牯牛壩蜂子崖月兒壩崖落坪古魚壩利川沱蠻路口中山坪濫壩子各地山勢連接均有礦砂可以煎煉商民源源而至隨地設爐廠務最爲繁盛惟地接馬邊夷人出沒不常迭遭焚燬道光三十年廠民捐資招集勇丁六十名禦夷保廠略可支持然已逐漸衰歇同治六年夷匪大股出擾東林鄉居民數千家悉行逃散各廠亦焚燬淨盡商民逃亡不敢再履其地光緒中夷務稍靜糧民吳京崙約夥至古魚壩開采業經煎煉有成夷匪乘夜劫之掠去爐頭砂丁廠務遂由此停閉

周家山鐵廠在牛吃水地咸豐二年商民曾思明等約夥開辦年餘無成遂止

筍廠廳屬山地皆有之采於春日羅漢筍采於秋日大竹筍羅漢筍竹大如錢節長五寸高每十餘節節大而身細卽古所謂邛竹也春時則筍發生廳民業此者於清明節後設廠募工採歸微煮用火烘之旣

乾然後盛爲包運至郡城售賣每百劬價銀六七兩
大竹卽刺竹其筍至秋乃生采辦與春筍同價亦相
等但所產不敵春筍之多自廳北行至三稜岡百里
沿山皆廠東林鄉尤甚黃海山地亦如之年中秋
二季產筍約數十萬劬廳民生業以此爲最自同治
六年夷匪大亂東林鄉各廠概行歇業惟黃海及後
山各廠賄請夷目爲保頭勉強採辦殊夷情狡詐保
廠夷目仍復勾結爲害已無復昔年之盛矣

木廠雷波山地多有之乾隆三十四年四川總督阿
雷波廳志
卷三十一
廠務
六
爾泰布政使司五諾璽委敘州府知府託隆巴縣知
縣段琪等在屏山縣屬之高竹坪雷波廳屬之黃螂
李子坪多寶山等處採辦大柎木三十六根
奏進正柎木二十根餘木一根富順縣縣丞王啟焜屏
山縣石角營巡檢葛泰管運進京送至

圓明園交收三十二年奉准

廷寄採辦

天壇望燈杆三根箴木九根瀘州州判阮澍等於雲南永善
縣屬之洗馬溪沙河地方朋興溝等處採獲燈杆正

木正枴戠木及燈杆餘木外永甯道孟端文督同南溪縣知縣崔光儀等在雷波廳屬之多寶山大崖洞兩處設廠采辦枴木四十八根廣安州知州陸良瑜巴縣縣丞王思恭管運赴京四十八年奉部文採辦地壇望燈杆一根敘州府知府葉體仁等於雷波西昌接壤雲南永善縣屬之秦來溝地方採辦杉料正木一根副木二根戠木九根保木一百二十根知州徐時敏由水路押運進京赴部交收當是時雷波初經開闢山林孕毓既久所產巨木良多至今百有餘年宮室

雷波廳志

卷三十一

廠務

七

橋梁悉取資於此數百年盤錯之物斬伐無餘廳民於山間設廠就地取材隨木之大小製爲器用或採集爲筏由金沙江運至郡城售賣頗獲厚利後因夷亂廠戶歇業今漸有入山採伐者

硃砂廠在狍子村地內光緒元年商民王濟生集夥採辦因夷亂遂止

紙廠在東林鄉地內其紙質粗色黃不甚可用

煤炭廠在祛裏密鄉離城六十餘里產煤旣少運道復艱廳民火食多用柴薪鮮用煤炭以價昂故也

鹽政附

雷波廳雍正八年報部商人胡均來認銷額水引五十張每張徵稅銀三兩四錢五釐共征稅銀一百七十兩二錢五分商人趙汝中認銷額陸引一百一十七張商人宋起鳳認銷額陸引四十九張商人彭瑜認銷額陸引四十七張商人王安仁認銷額陸引一百四十張每張徵稅銀二錢七分二釐四毫共銷額陸引三百五十三張共徵稅銀九十六兩一錢五分七釐總共徵水陸引稅銀二百六十六兩四錢七釐

雷波廳志

卷三十一

鹽政附

八

解鹽茶道庫彈收水陸各引均配犍爲縣五通橋鹽赴雷發賣嗣因各商故絕招商黃廷照代銷光緒元年夷匪大股出擾燒燬商店致夥商折本歇業四年督憲丁寶楨奏請歸併滇黔鹽務局官運辦理其光緒元二三等年未繳殘引及課稅蒂欠均奏請恩免在案